

ÚRSLITAVIÐUREIGN NBA HEFST Á STÖÐ 2 SPORT Á FIMMTUDAG



MIÐVIKUDAGUR 5 JÚNÍ 2013  
4. TÖLUBLAÐ 1. ÁRGANGUR  
DAGSKRÁRBLAÐ STÖÐVAR 2



**HEIMUR PLANTNA**  
David Attenborough hefur  
fengið heimili á Stöð 2.



**REVOLUTION**  
Síðari hluti þáttaraðarinnar  
verður sýndur á fimmtu-  
dagskvöldum í sumar.



**LÆRKEVEJ OG RITA**  
Bubbi Morthens er hrifinn  
af svörtum kómedíum Dana.

# Á HÆLUM FJÖLDA- MORÐINGJA

ÞRIÐJA ÞÁTTARÖÐIN AF  
THE KILLING HEFST Á SUNNUDAG

FRÁBÆR TILBOÐ  
Í STÖÐ 2 VILD

krakkar

GULL

BÍÓ

POP  
TIVI

SPORT

SPORT 2



# ATTENBOROUGH

## HEFUR FENGIÐ HEIMILI Á STÖÐ 2

Stöð 2 sýnir nýjan og áhugaverðan þátt úr smiðju Davids Attenborough í júní. Stöð 2 hefur tryggt sér sýningarréttinn á tveimur þáttaröðum frá sjónvarpsmanninum góðkunna og verður síðari þáttaröðin sýnd í haust.

**KINGDOM OF PLANTS**  
hefst 17. júní kl. 22.15

Nú geta áskrifendur Stöðvar 2 fagnað því tvær nýjar þáttaraðir frá David Attenborough verða sýndar á Stöð 2 í júní og í haust. Þættirnir heita Kingdom of Plants og Galapagos og hefst fyrri þáttaröðin mánudaginn 17. júní.

David Attenborough var í eitt ár ásamt aðstoðarmönnum sínum að taka upp þáttaröðina Kingdom of Plants. Þar sýnir hann alveg nýja

vídd í lífi plantna, allt frá furðulegum plöntum til þeirra fallegustu. Notuð eru myndbrot og ný upptökutækni til að sýna þróun plantna hér á jörðu til dagsins í dag. Um leið sýnir hann áhorfendum fram á að plöntur eru í mörgum tilfellum jafn fjölbreytilegar og árásargjarnar og dýrin. Þættirnir eru teknir upp í Konunglega grasagarðinum í Kew, sem staðsettur er í suðvesturhluta Lundúna í Englandi. Konunglegi grasagarðurinn er safn grasagarða og gróðurhúsa og þar má finna um 90% af öllum

plöntutegundum heims.

Seinni þáttaröðin ber nafnið Galapagos og þar heimsækir David Attenborough, eins og nafnið gefur til kynna, Galapagos-eyjaklasann í Austur-Kyrrahafi. Eyjarnar eru engum líkar hér á jörðu og þar hafa lífverur fengið að þróast að mestu óáreittar í einangrun frá heiminum. Charles Darwin setti á fót rannsóknarstöð á eyjunni Santa Cruz, sem er næststærsta eyjan í klasanum, fyrir um tvö hundruð árum og mótaði þar byltingarkenndar kenningar sínar um

uppruna og framþróun dýrategunda.

Þjóðgarðurinn Galapagos var stofnaður árið 1959 og árið 1978 setti UNESCO eyjarnar á heimslista náttúruminja. Árið 1986 var svo hafsvæðið kringum eyjarnar innlimað í þjóðgarðinn. Galapagos-eyjaklasinn er reglulegur viðkomustaður vísindamanna og mun David Attenborough sýna áskrifendum Stöðvar 2 nýja og stórkostlega mynd af þessum góðsagnakennda eyjaklasa.

Báðar þáttaraðirnar eru fjórir þættir og er hver þáttur klukkutími.

**GAME OF THRONES**  
Lokapáttur - mánudag kl. 21:55

## FJÓRÐA ÞÁTTARÖÐIN TEKIN UPP Í SUMAR

Æsispennandi lokapáttur þriðju þáttaraðar af Game of Thrones verður sýndur á Stöð 2 á mánudaginn kemur, aðeins tæpum sólarhring eftir frumsýningu í Bandaríkjunum.

Spennan magnast í þessum ævintýrlegu þáttum, sem unnið hafa hug og hjörtu áhorfenda um heim allan.

Ekki skemmir svo fyrir aðkoma Íslands í þáttunum, en hluti af þriðju þáttaröðinni var tekinn hér á landi.

Þegar hefur verið ákveðið að halda áfram að gera þessum mögnuðu sögum George R. R. Martin skil á sjónvarpssjónum því fjórða þáttaröðin er í bígerð. Staðfest hefur verið að einhverjar tölur fari fram hér á landi fyrir fjórðu þáttaröðina, sem tekin verður upp nú í sumar.

Fjórða þáttaröðin af Game of Thrones verður svo sýnd á Stöð 2 næsta vetur.



UPPÁHALDSPÁTTURINN Á STÖÐ 2

## FYLGIST SPENNTUR MEÐ LÆRKEVEJ

**LÆRKEVEJ**  
Miðvikudaga kl. 21:35

Tónlistamaðurinn Bubbi Morthens er yfir sig hrifinn af dönskum sjónvarpsþáttum.

„Ég hafði mjög gaman af kennslukonunni Ritu og bið þess spenntur að hún komi aftur á skjáinn í haust en þættirnir eru að mínu mati frábær samfélagsspeglar. Á meðan fylgist ég með Lærkevej og finnst sú þáttaröð ekki síðri. Dönum tekst að mínu mati að búa til góða spennuþætti með húnörisku ívafi. Þeir státa af úrvals svörtum kómedíum,“ segir Bubbi.

Hann bíður þó líka eftir Boardwalk Empire en þættirnir snúa aftur á Stöð 2 í september. „Þættirnir eru með því albesta sem ég hef séð í sjónvarpi.“ segir Bubbi. „Svo er ég hrikalega ánægður með matreiðsluþáttaröðina Hið blómlega bú sem hóf göngu sína um miðjan síðasta mánuð. Þetta er dásamleg þáttaröð; sympatísk og laus við allan rembing og stæla.“



# HEIMUR ÁN RAFMAGNS

**REVOLUTION**  
Fimmtudaga kl. 20.30

Seinni hluti fyrstu seríu Revolution verður sýndur á Stöð 2 á fimmtudögum í sumar. Þættirnir fjalla um heim sem missir skyndilega allt rafmagn og íbúarnir þurfa að læra að komast af án þess. Fimmtán árum eftir að rafmagnsleysið skellur á grillir í von um að hægt sé að koma straumi á aftur. Eftir miklu er að slægjast og því hefst hörð baráttu um yfirráð yfir orkulind framtíðar og völdum í heiminum.

Aðalpersónur eru Charlie Matheson og frændi hennar, Miles Matheson. Þau

þurfa að berjast við fyrrverandi vin Miles, Sebastian Monroe, sem er nú valdasjúkur og veruleikafirrtur einræðisherra.

Tracy Spiridakos leikur Charlie sem heitir í raun Charlotte. Charlie er strákastelpa en eftir að móðir hennar hverfur úr lífi fjölskyldunnar tekur hún að sér að passa upp á yngri bróður sinn. Hún er góðhjörtoð en líkist sífellt meira föðurbróður sínum sem telur tilganginn helga meðalið og svífst einskis, jafnvel að drepa ef það hentar honum.

Spiridakos er grísk-kanadísk leikkona. Þessi 25 ára leikkona hefur komið fram í fjölda smáhlutverka í sjónvarpsþáttum. Þar má nefna Supernatural, Bionic Woman, The L Word, Hellcats og Psych. Þá var hún í litlu hlutverki í Rise of the Planet of the Apes.



**FRÉTTIR STÖÐVAR 2**  
KL. 18.30 ALLA DAGA

## HEIMIR HLEYPUR Í SKARÐIÐ



Skyrtan í kuðli og bindið skakkt.



Sléttur og strokinn.

Fréttir Stöðvar 2 hefjast eins og flestir vita klukkan 18.30. Lesari kvöldsins þarf að klæða sig upp, fara í smink og hárgreiðslu og renna yfir textann. Yfirleitt er vant fólk að störfum og förðunar- og hárgreiðslufólk fljótt að athafna sig. Engu að síður þarf þó nokkrar mínútur til verksins. Laugardaginn 12. febrúar 2011 átti Logi Bergmann Eiðsson að lesa en það hafði eitthvað skolast til í dagbókum hans og klukkan 18.25 var hann ekki mættur.

„Logi mætir nú yfirleitt ekki sérlega snemma til lestrar svo við höfðum ekki miklar áhyggjur framan af. Þegar það voru fimm, sex mínútur í útsendingu var okkur hins vegar hætt að listast á blikuna og var ákveðið að ég myndi hlaupa í skarðið,“ segir Heimir Már Pétursson, sem stýrði vaktinni á fréttastofunni þennan dag. Hann var hins vegar hvorki með skyrtu né bindi meðferðis og byrjaði á því að rífa Jónas Margeir Ingólfsson, sem þá starfaði sem fréttamaður á stöðinni, úr skyrtunni. „Hún var allt of lítil og því var brugðið á það ráð að hlaupa yfir á Bylgju þar

sem Logi er með skrifstofu og finna skyrtu og bindi af honum,“ lýsir Heimir. Hann hljóp svo inn í sett með skyrtuna flaksandi og var fréttamaðurinn Andri Ólafsson enn að festa á hann bindið þegar tíu sekúndna niðurtalning hófst.


Heyra má andstuttan Heimi lesa helstið í upphafi og þegar hann svo kemur í mynd er bindið skakkt og hárið í óreiðu. Eftir því sem líður á fréttatím-ann skánar útgangurinn enda var klárað að sminka hann, bindið lagað og hárið greitt á milli fréttu. „Í þriðju frétt var ég loks farinn að líta út eins og maður,“ segir Heimir og hlær að uppákomunni þótt honum hafi eflaust ekki verið skemmt rétt á meðan á henni stóð. Logi Bergmann sést hins vegar í mestu makindum með kaffibolla í baksýn en hann hafði mætt tvær mínútur í hálf. „Honum til varnar þá hélt hann að hann væri á frívakt og var heima með börnin sín. Hann þurfti því að finna pössum fyrir þau áður en hann rauk af stað upp á fréttastofu eftir að hringt var til hans.“

## ÓMISSANDI Í VIKUNNI





**Dallas**  
Miðvikudag  
Kl. 20.50

**Grillað með Jóa Fel**  
Fimmtudag  
Kl. 20.00





**The Simpsons**  
Föstudag  
Kl. 19.15

**Latibær**  
Laugardag  
Kl. 17.55



**Tossarnir**  
Sunnudag  
19.25

**Game of Thrones –  
Iokapáttur**  
Mánudag  
Kl. 21.55



**The Big Bang Theory**  
Þriðjudag  
Kl. 20.00

# ÞRJÁR SPURNINGAR

til fótboltaspekinganna í Pepsi-  
mörkunum á Stöð 2 Sport

- 1 Hvernig ræktarðu kroppinn?
- 2 Hvernig ætlarðu að sinna sjálfum þér í sumar?
- 3 Hvernig ræktarðu sálar-tetrið?



## HJÖRVAR HAFLÍÐASON

- 1 Ég er afar duglegur í ræktinni og lyfti fimm sinnum í viku en þar sem fótboltinn eyðilagði á mér hnén neyðist ég til að gera þolæfingar á stig- eða skíðavél-inni á eftir.
- 2 Í sumar stendur til að fá sér almennilegt hjól og hjóla sem mest. Ég er líka mikill göngu-  
hrólfur og á hverju sumri reyni ég að taka eina krefjandi göngu sem í ár verður líklega yfir Fimm-  
vörðuháls. Þá mæti ég áfram í ræktina svo ég geti leyft mér grillsósumnar og bjórinna í sumar.
- 3 Ég er nú glaðsinna að eðlis-  
fari en ef ég verð pirraður næ þá er í Sly Stallone-safnið mitt eða horfi á Arnold Schwarzenegger-  
myndir og læt þá félagar berja úr mér pírtinginn.



## REYNIR LEÓSSON

- 1 Ég hef lítið hreyft mig síðan ég lagði skóna á hilluna síðasta sumar en spila þó körfubolta einu sinni í viku með góðum vinum. Stefnan er svo sett á að taka golfið föstum tókum í sumar.
- 2 Ég ætla að ferðast um landið eins mikið og ég get þar sem ég þarf ekki að mæta á æfingar alla daga í fyrsta skipti síðan ég man eftir mér. Ég ætla líka að taka fyrstu skrefin í stangveiði og spila svoltið af golfholum. Svo verð ég duglegur að fara á völinn, bæði í Pepsi-deildinni og til að horfa á drengina mína spila með Fylki.
- 3 Besta leiðin til þess er að eiga góðar stundir með fjölskyldunni og góðum vinum. Það heldur manni kátum.

# FJÖLDAMORÐINGI GENGUR LAUS

**THE KILLING**  
Sunnudaga kl. 21:35

Þriðja þáttaröðin af The Killing hefst á Stöð 2 þann 9. júní og verða sýndir strax í kjölfar frumsýningar í Bandaríkjunum. Þættirnir byggja á dönsku verðlaunabáttunum Forbrydelsen. Ólíkt fyrri tveimur þáttaröðunum byggir morðmálið að þessu sinni ekki á máli úr dönsku þáttunum. Í þetta sinn þarf lögreglan að rannsaka erfitt mál. Brjálaður fjöldamorðingur, sem hefur þegar sautján mannlíf á samviskunni, gengur laus og virðist hvergi hættur.

Rúmt ár er liðið frá því að rannsókninni á morðinu á Rosie Larsen lauk og Sarah Linden starfar ekki lengur innan lögreglunnar. Hinnar gamla félagi, Stephen Holder, er með til rannsóknar mál stúlku sem strokið hefur að heiman. Fljótlega kemst hann á slóð fjöldamorðingjans og kemst að því að málið tengist eldra máli sem Linden hafði eitt sinn til rannsóknar. Linden neyðist því til að snúa aftur til starfa og kafa ofan í málið, sem og fortíðina.

### Sænskur sjarmör

Joel Kinnaman leikur lögreglumanninn og óvirka fíkilinn Stephen Holder. Holder er breyttur maður í þriðju seríu. Hann er sjálfsöruggari, metnaðargjarnari og betur klæddur en í fyrri þáttaröðunum. Hann stundar nám til

að gerast aðstoðarvarðstjóri og á aðstoðarsaksóknara fyrir kærustu. Þegar Sarah Linden kemur aftur inn í líf hans breytist margt og hann þarf að ákveða hvernig lögreglumaður hann vill vera.

Joel Kinnaman er fæddur og uppalinn í Stokkhólmi. Móðir hans er sænsk en faðir bandarískur. Hann er því með tvöfaldan ríkisborgararétt. Kinnaman byrjaði tíu ára að leika í sænskri sápuóperu. Á unglingsaldri leiddist hann út í slæman félagsskap. Hann var því nokkuð vel búinn undir hlutverk sitt sem Stephen Holder en sá ólst upp í slæmu hverfi og kynntist hörðum heimi eiturlyfjanna.


Kinnaman er hvað þekktastur fyrir leik sinn í myndaseríunni Snabba Cash. Hann hefur einnig leikið í nokkrum myndum seríunnar Johan Falk og fengið tilnefningu til Guldbagge-verðlaunanna fyrir leik í aukahlutverki. Á næsta ári birtist hann áhorfendum í hlutverki Alex James Murphy í endurgerð á hinni klassísku Robocop frá árinu 1987.

Kinnaman er vel tengdur inn í sænska leiklistarheiminn. Systir hans er Melinda Kinnaman sem nýtur talsverðra vinsælda í heimalandinu. Þá er hann góðvinur Noomi Rapace og Gustav Skarsgård, sem er bróðir Alexanders Skarsgård úr True Blood.

# MARGSLUNGIN PERSÓNA

Bandaríska leikkonan Mireille Enos leikur rannsóknarlögreglukonuna Söruh Linden, sem á erfitt með að aðskilja hræðilegan veruleika vinnunnar og persónulegt líf sitt. Sarah Linden er þungur og flókinn persónuleiki sem Enos skilar afar vel til áhorfenda. Í þriðju þáttaröðinni sem nú hefur göngu sína hefur Linden sagt skilið við sitt fyrra líf en dregst á ný inn í þann heim þegar gamalt morðmál dúkkar upp í nýrri rannsókn á fjöldamorðingja. Mireille Enos hóf feril sinn á sviði og var tilnefnd til Tony-verðlauna árið 2005 fyrir leik sinn í sýningunni Who's

Afraid of Virginia Woolf sem sett var upp á Broadway. Hún vakti síðan athygli í þáttunum Big Love þar sem hún lék tvíbúrasysturnar Kathy og Jodeen Marquart. Hlutverk Söruh Linden er hennar fyrsta aðalhlutverk og fyrir leik sinn í fyrstu seríu hlaut hún tilnefningu til Emmy-verðlaunanna. Enos hefur einnig sést á stóra tjaldinu. Hún hefur leikið eiginkonu Josh Brolin í Gangster Squad og mun birtast áhorfendum í myndinni World War Z í sumar en þar leikur hún eiginkonu Brad Pitt. Þá leikur hún um þessar mundir í mynd með Arnold Schwarzenegger.





## NOTALEGAR BAÐSTOFUSTUNDIR FYRIR VILDARÁSKRIFENDUR

Nú býðst áskrifendum Stöðvar 2 að eiga notalegar stundir í baðstofu og heilsurækt World Class á sérstökum vildarkjörum.

Áskrifendur geta keypt þriggja mánaða Baðstofu- og heilsuræktarkort á 40% afslætti eða fengið 50% afslátt af stökum tíma og stökum baðstofutíma. World Class býður upp á 5 stjörnu heilsulind þar sem slökunar- og lækningarmáttur vatnsins er í hávegum hafður.

Láttu nú dekra við þig, þú átt það skilið.

Kynntu þér þetta og fleiri spennandi Vildartilboð nánar inni á [www.stod2.is](http://www.stod2.is).

Stöð 2 Vild – er snilld.



**Grilluð pítsa**  
Í fjórar 10 tommu pítsur

**Innihald**  
Pítsudeig  
500 grömm brauðhveiti  
325 millilítrar volgt vatn  
2 teskeiðar salt  
½ teskeið þurrger

**Álegg**  
300 grömm mozzarella  
Salt  
Álegg eftir smekk, þunnskorin.

**Sterk hvítlauksolía**  
100 millilítrar jómfrúarolía  
4 hvítlauksgeirar, maukaðir  
½ teskeið þurrkaðar rauðar chilliparflögur

## NOKKRAR STAÐREYNDIR

- Þættirnir eru kvikmynd- aðir í Vancouver.
- Þáttaröðin The Killing er byggð á dönsku þáttaröðinni Forbryðelsen.
- Persóna Söruh Linden heitir Sarah Lund í dönsku þáttunum.
- Leikkonan Sofie Gråbøl, sem leikur Söruh Lund, klæddist sérstakri lopapeysu í fyrstu þáttaröðinni. Sú peysa var hönnuð af færeyska tískumerkinu Guðrun & Guðrun og tóku ófáir Íslendingar upp þjónana og gerðu sér eina slíka.
- Gråbøl kom sjálf fram í litlu hlutverki í bandarískri útgáfu þáttanna.
- Leikkonan Mireille Enos klæddist nokkrum þjóna-

peysum í bandarísku þáttunum. Hún segist hafa orðið afar leið á þeim enda þurfti hún að klæðast sómu peysunni í marga þætti í röð.

- Skrifaðar hafa verið bækur upp úr þáttunum. Höfundur þeirra heitir David Hewson en bækurnar heita The Killing: Book One og The Killing: Book Two.
- Í júlí 2012 var tekin ákvörðun um að ekki yrðu gerðar fleiri þáttaröðir af bandarísku útgáfu The Killing. Í ágúst var þeirri ákvörðun hnekkkt og þriðja serían sett á dagskrá.
- Leikkonan Mireille Enos er með svarta beltið í karate.

## HIÐ BLÓMLEGA BÚ FÆR GÓÐAR VIÐTÖKUR

**HIÐ BLÓMLEGA BÚ**  
KI. 20.05 miðvikudaga

Stórborgarkokkurinn sem flutti frá iðandi mannlífi New York-borgar í sveitasæluna í Borgarfirðinum hefur vakið mikla athygli í þáttunum Hið blómlega bú. Árni Ólafur Jónsson fer á kostum þar sem hann tekst á við sveitastörfin í Árdal og matreiðir úr dýrindis hráefni úr eigin ræktun og frá bændunum í kring.

Þátturinn hefur fengið mjög góðar viðtökur. Árni Ólafur var inntur eftir því hvernig viðbrögð hann væri sjálfur að fá. „Fjölskyldan og vinir mínir eru auðvitað öll mjög sátt við þetta allt saman. Svo hef ég líka fengið skilaboð frá fólki úti í bæ þar sem það lýsir ánægju sinni með þáttinn og efnistökin. Ég er því mjög ánægður með viðtökurnar.“ En hefur þessi reynsla haft áhrif á hvernig þú eldar og umgengst hráefni í dag?

„Núna þegar ég hef kynnst því hversu mikil vinna er að baki því að ala skepn-

ur og rækta grænmeti ber ég mun meiri virðingu fyrir hráefninu sem ég vinn með og reyni að láta sem allra minnst fara til spillis.“

Í kvöld fer Árni á sumarhátíð Kaupfélagsins, þar sem hann tekur þátt í bændaþrjúpraut og öðrum skemmtilegheitum með sveitungum sínum og eldar rétti úr garðinum. Meðal þess sem hann tekur sér fyrir hendur er að grilla pítsur. Uppskriftirnar að réttum Árna má finna á vefsíðunni [www.hidblomlegabu.is](http://www.hidblomlegabu.is). Hér að neðan má finna hráefnið í pítsurnar en aðferðina má nálgast á heimasíðunni.

Hið blómlega bú er á dagskrá klukkan 20.05 á miðvikudögum og endursýndur klukkan 17.10 á sunnudögum.



## MYNDIR HELGARINNAR



### MARGIN CALL Kl. 20:25 laugardag

Kevin Spacey, Jeremy Irons, Stanley Tucci og Demi Moore fara með aðalhlutverkin í þessari mögnðu mynd sem gerist á einum sólarhring þegar bankahrunið er að verða að veruleika. Myndin var tilnefnd til Óskarsverðlauna fyrir besta kvikmyndahandritið.

### BAD TEACHER Kl. 22.10 laugardag

Cameron Diaz er hér í hlutverki konu sem þarf að fara út á vinnumarkaðinn og standa á eigin fótum eftir sambandslit. Hún fær vinnu sem kennari en reynist í fyrstu ekki hafa neitt einasta erindi í það starf, svo vægt sé til orða tekið. Þeir Jason Segel og Justin Timberlake fara einnig með hlutverk í myndinni.




## 10 BÍÓ Á STÖÐ 2 BÍÓ

### BÍÓ TOPPMYNDIR Kl. 22.00 alla daga

#### Miðvikudagur The Beach

Frábær mynd frá þríeykinu sem stóð að Trainspotting. Richard hefur fengið nóg af yfirborðslegri fjöldamenn-ingunni og leitar því á nýjar slóðir. Honum áskotnast kort af paradísar-eyju og hann fær tvo ferðalangla til að koma með sér til þangað. Eyjan stendur undir væntingum í fyrstu, en brátt breytist fagur draumur í hreina martröð.



#### Laugardagur The Education of Charlie Banks

Dramatísk mynd með Jesse Eisenberg um mann sem þarf að horfast í augu við fortíðina þegar drengur sem gerði honum lífið leitt í grunnskóla hefur nám í sama framhaldsskóla og hann.



#### Sunnudagur Robin Hood (Hrói höttur)

Hörkuspenningandi ævintýra-mynd með Óskarsverðlauna-höfunum Russell Crowe og Cate Blanchett. Bærinn Nottingham er niðurnyddur af harðræði og spillingu fógetans og Hrói höttur safnar því saman hópi manna sem aðstoðar hann við að ræna yfirstéttina til þess eins að deila auðnum meðal þeirra þurfandi.


#### Mánudagur The Lincoln Lawyer

Stórgóð saka-málamynd með Matthew McConaughey í hlutverki lögfræðings sem fer ótroðnar slóðir þegar kemur að því að verja skjól-stæðinga sína.



#### Þriðjudagur Another Earth

Áhrifamikil mynd um líf nema og tónskálds sem hittast við dramatískar aðstæður eftir að ein orlagarík nótt breytti lífi þeirra að eilífu.



#### Fimmtudagur Sherlock Holmes: A Game of Shadows

Hörkuspenningandi og stórgóð mynd með Robert Downey Jr., Rachel McAdams, Noomi Rapace og Jude Law í aðalhlutverkum. Baráttan við glæpakónginn og prófessorinn Moriarty berst um Evrópu í æsispennandi eltingaleik.



#### Föstudagur The Big Year

Bráðfyndin gamanmynd um tvo fuglaskoðara sem freista þess að verða á undan annálúðum hrokagikk í faginu að koma auga á sjaldgæfa fuglategund. Með aðalhlutverk fara grínsmillingarnir Steve Martin, Owen Wilson og Jack Black.



Stöð 2 Bíó fylgir frítt með áskrift að Stöð 2



## SPURNINGAR UM STÓRLIÐIN

### SPORT<sup>2</sup> MANSTU Kl. 20.00 föstudaga

Stóru liðunum í enska boltanum er gert hátt undir höfði í sérstökum þemavikum á Stöð 2 Sport 2 í sumar. Í þessari viku er það Manchester United sem er í kastljósinu og í næstu viku er það Liverpool. Spurningabátturinn Manstu er hluti af nýrri dagskrárgerð tengdri þemavikumum og verður fyrsti þáttur á dagskrá á föstudaginn kemur kl. 20.00. Guðmundur Benediktsson stjórnar þættinum með öruggri hendi en þar reynir á þekkingu sérfróðra um lið vikunnar. Manstu er alvöru spurningabáttur á laf-léttum nótum sem gallharðir stuðningsmenn enska boltans ættu ekki að láta fram hjá sér fara.

## ÚRSLITAVIÐUREIGN NBA AÐ HEFJAST

### SPORT

Úrslitakeppni NBA deildarinnar hefst á morgun fimmtudag þegar tvö bestu liða deildarinnar, San Antonio Spurs og Miami Heat, mætast á heimavelli Miami í Flórída. Lið Miami vann austur-deildina nokkuð sannfærandi en lenti í miklum erfiðleikum með geysisterkt og skemmtilegt lið Indiana Pacers í úrslitum austur-deildarinnar. San Antonio enduðu hins vegar í öðru sæti vestur-deildarinnar á eftir Oklahoma City Thunder og unnu lið Memphis Grizzlies 4-0 í úrslitum vestur-deildarinnar þar sem framlengja þurfti tvo leiki í seríunni.

Lið San Antonio Spurs hefur keyrt á sama kjarnanum í mörg ár. Liðið varð síðast meistari árið 2007 og spiluðu þá, eins og nú, Tim Duncan, Tony Parker og Manu Ginobili lykahlutverk í liðinu ásamt þjálfara þess, Gregg Popovich. Hinn 37 ára gamli Duncan hefur átt ótrúlegt tímabil í vetur og saman mynda þeir þrír sterkan kjarna.

Líklega er þetta síðasti möguleiki þeirra fjögurra til að vinna titil saman. Leikmannahópur liðsins telur leikmenn af sjö þjóðernum en níu leikmenn liðsins hafa annað ríkisfang en bandarískt.

Lið Miami lenti í miklum hrakningum á leið sinni í úrslitin. Liðið vann Indiana Pacers aðfaranótt



San Antonio Spurs og Miami Heat mætast á heimavelli Miami í Flórída á morgun.

Þriðjudags en oddaleik þurfti til að klára seríuna. Lykilmenn Miami, fyrir utan LeBron James, hafa margir hverjir spilað illa í úrslitakeppninni og þá sérstaklega gegn Indiana. Munar þar mest um þá Dwyane Wade og Chris Bosh sem báðir hafa glímt við meiðsli og spiluðu oft illa í einvígum liðanna.

Bæði liðin hafa reynslumikla leikmenn í röðum sínum og er meðalaldur lykilmanna beggja liða um þrítugt. Mikil mun mæða á verðmætasta leikmanni deildarinnar, LeBron James, sem oft

á tíðum hefur borið lið Miami á herðum sér í undanförunum leikjum. Vakni samherjar hans til lífsins mega áhorfendur þó eiga von á svakalegri úrslitakeppni.

Fyrstu tveir leikir úrslitakeppninnar fara fram í Miami en þeir þrír næstu, ef þarf, verða á heimavelli San Antonio Spurs í Texas. Vinnur San Antonio Spurs fimmta titilinn á fjórtán árum eða vinnur Miami annað árið í röð?

Svali Björgvinsson og Baldur Beck munu lýsa leikjum úrslitakeppninnar á Stöð 2 Sport.



WorldClass  
ICELAND

## WORLD CLASS

50% afsláttur af stökum tímum í baðstofu.  
40% afsláttur af þriggja mánaða korti í baðstofu og heilsurækt.

50%  
AFSLÁTTUR



Byrjaðu strax að spara. Skráðu kortin ykkar  
núna á [www.stod2.is/vild](http://www.stod2.is/vild)

er snilld

# NÚ ENN MEIRA FYRIR ÁSKRIFENDUR

STÖÐ 2 VILD - HEIMSKLASSA ENDURNÆRANDI SNILLD

Það eina sem þarf að gera er að skrá kreditkort heimilisins á [stod2.is](http://stod2.is)

Skemmtigarðurinn  
SMÁRALIND

50%  
AFSLÁTTUR

## SKEMMTI- GARÐURINN

50% afsláttur af fjölskyldukortum Skemmtigarðsins.  
Þú borgar 3.000 kr. en færð 6.000 kr. inneign.



Þú færð sjálfkrafa afslátt hjá fjölda samstarfsaðila.



40%

afsláttur af  
bilapvotti að utan



12%

afsláttur ef verslað  
er fyrir 2.000 kr. eða meira



MICHELSEN

15%

afsláttur af vörum á bilinu  
10.000 kr. – 400.000 kr.



Kynntu þér  
tilboðin á  
[stod2.is/vild](http://stod2.is/vild)

Sækja þarf um Olís  
greiðslulýkil til að fá afslátt



10%

afsláttur ef verslað  
er fyrir 2.000 kr.  
eða meira



20%

afsláttur af  
fatahreinsun



25%

afsláttur ef verslað  
er fyrir 2.000 kr. eða meira

Panasonic



# ALLT SEM ÞÚ ELSKAR Á EINUM STAÐ



## NÝTT SMART VIERA MEÐ PERSÓNULEGUM HEIMASKJÁ. SMART TV SJÓNVARP GERT EINFALT.

Með nýja Smart VIERA sjónvarpinu opnar þú á einum stað allt það besta sem sjónvarp og netið hafa uppá að bjóða, og gerir þér kleift að setja upp þinn eigin heimaskjá, uppsettan með þínum uppáhalds öppum, valmöguleikum og þjónustu.

Vitræn og notendavæn hönnun gerir þér kleift að stjórna Smart VIERA sjónvarpinu með einföldum raddskipunum og fisléttum Swipe & Share skipunum með snjallsíma eða spjaldtölvu.



# Sjónvarpsmiðstöðin

RAFTÆKJAVERSLUN • SÍÐUMÚLA 2 • SÍMI 568 9090 • [WWW.SM.IS](http://WWW.SM.IS)

SMARTVIERA